

定心定故於不平等諸有情類得住平等於  
有惱害諸有情類住無惱害得預法流於自  
施所修隨念故乃至能證究竟涅槃復次大  
名若聖弟子以如是相隨念諸天謂有四大  
王衆天三十三天夜摩天覩史多天樂變化  
天他化自在天如是諸天成就信故戒故聞  
故捨故慧故從此處沒生彼天中受諸快樂

我亦有信戒聞捨慧亦當生彼與諸天衆同  
受快樂彼聖弟子以如是相隨念天時貪不

纏心瞋不纏心癡不纏心於諸天所其心正  
直心正直故得義威勢得法威勢於諸天所  
能引起欣欣故生喜心喜故身安身安故受

樂樂故心定心定故於不平等諸有情類得

住平等於有惱害諸有情類住無惱害得預  
法流於諸天所修隨念故乃至能證究竟涅

槃彼修如是六隨念時所有無漏作意相應  
心欣極欣現前極欣欣性欣類適意說意喜  
性喜類樂和合不別離歡欣悅豫有堪任性

弟八

十一

踊躍性歡喜歡喜性揔名爲喜亦名喜覺支  
是聖出世無漏無取道隨行道俱有道隨轉  
能正盡苦作苦邊際諸有學者如所見諸行  
思惟觀察令至究竟於諸行中深見過患於  
求涅槃深見功德若阿羅漢如解脫心思惟  
觀察令至究竟所有無漏作意相應心欣極  
欣乃至歡喜歡喜性是名喜覺支

說一切有部法蘊足論卷第八

第八

溉灌

上音既又古爰  
下音貫澆也

畦壠

上音携  
下音攜

阿毗達磨法蘊足論卷第九

第九

尊者大目乾連造 三藏法師玄奘奉 詔譯

覺支品第十五之餘

云何輕安覺支謂此尊說慶喜當知入初靜  
慮時語言靜息由此爲緣餘法亦靜息此名  
第一順輕安相入第二靜慮時尋同靜息由

此爲緣餘法亦靜息此名第二順輕安相入  
 第三靜慮時諸喜靜息由此爲緣餘法靜息  
 此名第三順輕安相入第四靜慮時入出息  
 靜息由此爲緣餘法亦靜息此名第四順輕  
 安相入滅想受定時想受靜息由此爲緣餘  
 法亦靜息此名第五順輕安相慶喜當知復  
 有第六上妙輕安是勝是最勝是上是無上  
 如是輕安最上最妙無餘輕安能過此者此  
 復云何謂心從貪離染解脫及從瞋癡離染  
 解脫此名第六順輕安相思惟此相所有無  
 漏作意相應諸身輕安心輕安輕安性輕安  
 類摠名輕安亦名輕安覺支是聖出世無漏  
 無取道隨行道俱有道隨轉能正盡苦作苦  
 邊際諸有學者如所見諸行思惟觀察令至  
 究竟於諸行中深見過患於永涅槃深見功  
 德若阿羅漢如解脫心思惟觀察令至究竟  
 所有無漏作意相應諸身輕安心輕安輕安  
 性輕安類是名輕安覺支

云何定覺支謂世尊說苾芻當知我說依初  
 靜慮能盡諸漏如是我說依第二第三第四  
 靜慮空無邊處識無邊處無所有處能盡諸  
 漏苾芻當知我依何故作如是說依初靜慮  
 能盡諸漏謂有苾芻先由如是諸行相狀離  
 欲惡不善法有尋有伺離生喜樂初靜慮具  
 足住彼不思惟如是諸行相狀但思惟彼所  
 得所趣色受想行識謂此諸法如病如癱如  
 箭惱害無常苦空非我彼於此法深心厭患  
 怖畏遮止然後攝心置甘露界思惟此界寂  
 靜微妙捨一切依愛盡離染求滅涅槃如善  
 射師或彼弟子先學近射泥團草人後能遠  
 射大堅固物亦令破壞苾芻亦余先由如是  
 諸行相狀離欲惡不善法有尋有伺離生喜  
 樂初靜慮具足住彼不思惟如是諸行相狀  
 但思惟彼所得所趣色受想行識謂此諸法  
 如病如癱如箭惱害無常苦空非我彼於此  
 法深心厭患怖畏遮止然後攝心置甘露界

思惟此界寂靜微妙捨一切依愛盡離染永滅涅槃彼如是知如是見故便從欲漏心得解脫亦從有漏及無明漏心得解脫既解脫已能自知見我得解脫我生已盡梵行已立所作已辦不受後有我依此故作如是說依初靜慮能盡諸漏如說依初靜慮能盡諸漏

說依第二第三第四靜慮空無邊處識無邊處無所有處能盡諸漏隨所應亦余謂第二靜慮應作是說復有苾芻先由如是諸行相狀尋伺寂靜內等淨心一趣性無尋無伺定生喜樂第二靜慮具足住彼不思惟如是諸行相狀乃至廣說乃至無所有處應作是說復有苾芻先由如是諸行相狀超一切種識無邊處入無所有無所有處具足住彼不思惟如是諸行相狀但思惟彼所得所趣受想行識乃至廣說苾芻當知乃至想定能辦如是所應作事復有非想非非想處及滅盡定我說於彼修定苾芻應數入出彼修如是七

依定時所有無漏作意相應心住等住乃至心一境性總名爲定亦名定根亦名定力亦名定覺支亦名正定是聖出世無漏無取道隨行道俱有道隨轉能正盡苦作苦邊際諸有學者如所見諸行思惟觀察令至究竟於諸行中深見過患於永涅槃深見功德若阿羅漢如解脫心思惟觀察令至究竟所有無漏作意相應心住等住乃至心一境性是名定覺支

弟九

三

云何捨覺支謂有苾芻思惟斷界離界滅界由此發起心平等性心正直性心無警覺寂靜住性彼作是念我今應於順貪順瞋順癡諸法離貪瞋癡由此發起心平等性心正直性心無警覺寂靜住性復作是念我今應於貪瞋癡法心不攝受由此發起心平等性心正直性心無警覺寂靜住性彼審思惟六順捨法所有無漏作意相應心平等性心正直性心無警覺寂靜住性總名爲捨亦名捨覺

支是聖出世無漏無取道隨行道俱有道隨轉能正盡苦作苦邊際諸有學者如所見諸行思惟觀察令至究竟於諸行中深見過患於永涅槃深見功德若阿羅漢如解脫心思惟觀察令至究竟所有無漏作意相應心平等性心正直性心無警覺寂靜住性是名捨

## 覺支

## 雜事品第十六

一時薄伽梵在室羅筏住逝多林給孤獨園。爾時世尊告苾芻衆汝等若能永斷一法我保汝等定得不還一法謂貪若永斷者我能保被定得不還如是瞋癡忿恨覆惱嫉慳詐譎諧無慚無愧慢過慢過慢我慢增上慢卑慢邪慢憍放逸懶憤發矯妄詭詐現相激磨以利求利惡欲大欲顯欲不喜足不恭敬起惡言樂惡友不忍耽嗜偏耽嗜染貪非法貪著貪惡貪有身見有見無有見貪欲瞋恚憤沉睡眠掉舉惡作疑瞢憤不樂頻申欠呴食

不調性心昧劣性種種想不作意麁重祇突饗饗不和軟性不調柔性不順同類欲尋恚尋害尋親里尋國土尋不死尋凌機尋假族尋愁歎苦憂擾惱於此一法若永斷者我能保被定得不還爾時世尊爲攝前義而說頌曰  
貪所繫有情 數往諸惡趣 智者能正斷  
第九

## 不還此世間

如是瞋癡乃至擾惱一一別頌如貪應知云何貪謂於欲境諸貪等貪執藏防護堅著愛樂迷悶耽嗜偏耽嗜內縛希求耽湎苦集貪類貪生揔名爲貪云何瞋謂於有情欲爲損害內懷裁杌欲爲擾惱已瞋當瞋現瞋樂爲過患極爲過患意極憤恚於諸有情各相違戾欲爲過患已爲過患當爲過患現爲過患揔名爲瞋云何癡謂於前際無知後際無知前後際無知於內無知外無知內外無知於業無知異熟無知業異熟無知於善作業無知惡作業無知善惡作業無知於因無知因

所生法無知於佛無知法無知僧無知於苦無知集無知滅無知道無知於善法無知不善法無知於有罪法無知無罪法無知於應修法無知不應修法無知於下劣法無知勝妙法無知於黑法無知白法無知於有敵對法無知於緣生法無知於六觸處如實無知

如是無知無見非現觀黑闇愚癡無明盲冥罩網纏裹頑駛渾濁障蓋發盲發無眼發無智發劣慧障礙善品令不涅槃無明漏無明瀑流無明輒無明毒根無明毒莖無明毒枝無明毒葉無明毒花無明毒葉癡等癡極癡恨等很極很癡類癡生總名爲癡

第九

五

云何忿謂忿有二種一屬愛忿二屬非愛忿屬愛忿者謂於父母兄弟姊妹妻妾男女及餘隨一親屬朋友所發生忿如有忿言如何不與我此物而與我如是物如何不與我作此事而與我作如是事由此發生諸忿等忿徧忿極忿已忿當忿現忿熱極熱烟極烟烟

極烟凶勃鹿惡心憤發起惡色出惡言是名屬愛忿屬非愛忿者謂有一類作是思惟彼令於我欲爲無義欲爲不利益欲爲不安樂欲爲不滋潤欲爲不安隱然彼於我已作無義當作無義現作無義諸有於我欲爲無義乃至不安隱而復於彼欲爲有義欲爲利益

欲爲安樂欲爲滋潤欲爲安隱然復於彼已作有義當作有義現作有義諸有於我欲爲有義乃至安隱而復於彼欲爲無義乃至不安隱由此發生諸忿等忿乃至起惡色出惡言是名屬非愛忿此屬愛非愛總名爲忿云何恨謂有一類作是思惟彼既於我欲爲無

義廣說如前我當於彼亦如是作此能發忿從瞋而生常懷憤結諸恨等恨徧恨極恨作業難迴爲業纏縛起業堅固起怨起恨心怨恨性總名爲恨云何覆謂有一類破戒破見破淨命破軌範於本受戒不能究竟不能純淨不能圓滿彼旣自覺所犯已久作是思惟

我若向他宣說開示施設建立所犯諸事則有惡稱惡譽被彈被駁或毀或舉便不爲他恭敬供養我寧因此墮三惡趣終不自陳上所犯事彼既怖得惡稱惡譽乃至怖失恭敬供養於自所犯便起諸覆等覆偏覆隱等隱偏隱護等護偏護藏等藏偏藏已覆當覆現覆摠名爲覆云何惱謂有一類於僧等中因法非法而興鬭訟諸苾芻等爲和息故勸諫教誨而固不受此不受勸諫性不受教誨性極執性極取性左取性不右取性難勸捨性拙應對性師子執性心蛆蟄性心很戾性摠名爲惱云何惱謂有一類見他獲得恭敬供

第九

六

養尊重讚歎可愛五塵衣服飲食卧具醫藥及餘資具作是思惟彼旣已獲恭敬等事而我不得由此發生諸感極感苦極苦極妬嫉極嫉摠名爲嫉云何慳謂慳有二種一財慳二法慳財慳者謂於諸所有可愛五塵衣服飲食卧具醫藥及餘資具障礙遮止令他

第九

七

不得於自所有可愛資具不施不偏施不隨偏施不捨不偏捨不隨偏捨心惜惜性是名財慳法慳者謂所有素怛纏毗奈耶阿毗達磨或親教軌範教授敎誠或展轉傳來諸秘密法障礙遮止令他不得於自所有如上諸法不授與他亦不爲說不施不偏施不隨偏施不捨不偏捨不隨偏捨心惜惜性是名法慳此財法慳摠名爲慳云何詐謂於他所以僞外僞內僞誑僞詭詭言施詐誘令他謂實諸詐等詐偏詐極詐摠名爲詐云何詐謂心隱惡性心屈曲性心洄復性心沉滯性心不顯性心不直性心無堪性摠名爲詐云何無慚謂無慚無所慚無別慚無善無所善無別善無敬無敬性無自在無自在性於自在者無怖畏轉摠名無慚云何無愧謂無愧無所愧無別愧無耻無所耻無別耻於諸罪中不怖不畏不見怖畏摠名無愧云何慢謂於劣謂已勝或於等謂己等由此

起慢已慢當慢心舉恃心自取揔名爲慢云何過慢謂於等謂已勝或於勝謂已等由此起慢乃至心自取揔名過慢云何慢過慢謂於勝謂已勝由此起慢乃至心自取揔名慢過慢云何我慢謂於五取蘊等隨觀見我或我所由此起慢乃至心自取揔名我慢云何增上慢謂未得謂得未獲謂獲未觸謂觸未證謂證由此起慢乃至心自取揔名增上慢云何卑慢謂於多勝謂已少劣由此起慢乃至心自取揔名卑慢云何邪慢謂已無德而謂有德由此起慢乃至心自取揔名邪慢云何嬈謂有一類作是思惟我之種姓家族色力工巧事業若財若位戒定慧等隨一殊勝由此起嬈極嬈醉極醉悶心傲逸心自取起等起生等生高等高舉等舉心彌漫性揔名爲嬈云何放逸謂於斷不善法集善法中不修不習不恒作不常作捨加行揔名放逸云何懶謂有一類應供養者而不供養應

恭敬者而不恭敬應尊重者而不尊重應讚歎者而不讚歎應問訊者而不問訊應禮拜者而不禮拜應承迎者而不承迎應請坐者而不請坐應讓路者而不讓路由此發生身不卑屈不等卑屈不極卑屈身傲心傲自傲誕性揔名爲傲云何憤發謂身擒害性心擒害性身戰怒性心戰怒性身憤發心憤發已憤發當憤發揔名憤發

云何矯妾謂多貪者爲供養故爲資具故爲恭敬故爲名譽故拔髮擊毬卧灰露體徐行低視高聲現威顯自伎能苦行等事揔名矯妾云何詭詐謂多貪者爲得如前供養等故往至他家作如是語汝等今者善得人身諸有誦持經律對法善說法要妙闡傳記製造疏論樂阿練若樂但三衣樂常旋禮樂糞掃衣樂行乞食樂一鉢食樂一受食樂一坐食樂居樹下樂居露地樂處家間樂坐不卧樂隨得坐得不淨觀得持息念得四靜慮得四

無量得四無色得四聖果得六通慧得八解脫此等賢聖但入汝家皆得汝等供養恭敬尊重讚歎爲作依怙我之行德未減前人今至汝家固望同彼是名詭詐復有詭詐謂多貪者爲得如前供養等故往至他家作如是語汝應於我如父母想我亦於汝如男女想自今已後共爲親眷憂喜榮辱咸悉是同先來世間泛号於我爲沙門釋子從今向去皆悉稱我爲汝家沙門凡我所須資身衆具衣藥等物汝皆見供汝若不能我脫別往餘敬信家汝豈不辱如是所作種種不實方便語言總名詭詐云何現相謂多貪者爲得如前供養等故往至他家作如是語賢士賢女此衣此鉢此坐卧具此衫裙等我若得之甚爲濟要當常保護以福於汝除汝能捨誰當見惠作此方便而獲利者總名現相云何激磨謂多貪者爲得如前供養等故往至他家作如是語汝父母等具足淨信戒聞捨慧乘斯

善業已生人天及得解脫而汝無信戒聞捨慧旣無善業後若命終定生惡趣其如之何如是讚毀以求利者總名激磨云何以利求利謂有一類先從餘家求得衣鉢及餘隨一肢身命緣持往餘家而現之曰彼某甲家與我此物然彼施主於長時中恒資給我衣鉢

第九

九

等物汝家若能如彼施者便亦是我所依止處因前方便獲後利者如是總名以利求利云何惡欲謂有一類實不誦持經律對法廣說乃至實非證得八解脫者而欲令他知已實是誦持經律對法等者因斯而得供養恭敬尊重讚歎爲作依恃又自實無出家遠離所生善法而爲他人宣說開示顯已證得如斯等類總名惡欲云何大欲謂多貪者爲得廣大財利等故而起於欲已欲當欲總名大欲云何顯欲謂有一類實是誦持經律對法廣說乃至得持息念及得預流一來果者但無名譽人所不知意欲令他知有此德因斯

便橫供養恭敬尊重讚歎爲作依怙又自實  
有出家遠離所生善法而爲他人宣說開示  
顯已證得如斯等類總名顯欲云何不喜足  
謂有一類於已獲得色香味觸及餘資具不  
生喜足復希復欲復樂復求總名不喜足云  
何不恭敬謂有一類若親教親教類執範執

範類及餘隨一尊重可信往還朋友如法告  
言汝從今去勿壞身業勿壞語業勿壞意業  
勿行不應行處勿親近惡友勿作三惡趣業  
如是教誨稱法應時於所修道隨順磨瑩增  
長嚴飾宜便常委助伴資糧而彼有情不欣  
不喜不愛不樂於師等言違戾左取而不右  
取毀訾非撥諸如是等名不恭敬云何起惡  
言謂有一類若親教親教類軌範軌範類及  
餘隨一尊重可信往還朋友如法告言汝從  
今去勿壞身業勿壞語業勿壞意業勿行不  
應行處勿親近惡友勿作三惡趣業如是教  
誨稱法應時於所修道隨順磨瑩增長嚴飾

宜便常委助伴資糧而彼有情不欣不喜不愛不樂於師等言違戾左取而不右取毀訾非掇及於師等起勃囁言諸如是等名起惡友云何樂惡友謂有一類好近惡友言惡友者謂諸屠羊屠雞屠豬捕鳥捕魚獵獸劫盜毆謄典獄縛龍煮狗及置涼等是名惡友復

有一類毀犯尸羅習行惡法內懷腐敗外現  
堅貞類穢蝸牛螺音狗行實非沙門自稱沙  
門實非梵行自稱梵行亦名惡友於如是等  
諸惡友所親近承事隨順受樂名樂惡友云  
何不忍謂有一類不能堪忍寒熱飢渴風雨  
蚊蠅蛇蟲惡觸及餘苦事復有一類於他暴  
惡能發自身猛利剛礪切心奪命辛楚苦受  
鹵勑穢言不能堪忍即此及前揔名不忍云  
何耽嗜偏耽嗜謂下品貪瞋癡纏名耽嗜即  
此中品名遍耽嗜復次中品貪瞋癡纏名耽  
嗜即此上品名偏耽嗜云何染貪謂於諸欲  
諸貪等貪乃至貪類貪生惱名染貪云何非

法貪謂於母女姊妹及餘隨一親眷起貪等  
貪執藏防護堅著愛染名非法貪云何著貪  
於自財物及所攝受起貪等貪執藏防護堅  
著愛染是名著貪云何惡貪謂於他財物及  
所攝受起貪等貪執藏防護堅著愛染是名  
惡貪復有惡貪規他生命貪皮角等飲血敵  
肉如是二種揔名惡貪

云何有身見謂於五取蘊起我我所想由此  
生忍樂慧觀見名有身見云何有見謂於我  
及世間起常恒想由此生忍樂慧觀見是名  
有見云何無有見謂於我及世間起非常非  
恒想由此生忍樂慧觀見名無有見云何貪

第九

十一

欲謂於諸欲境起欲樂欣喜求趣希望是名  
貪欲有作是說於諸欲境諸貪等貪乃至貪  
類貪生揔名貪欲云何瞋恚謂於諸有情欲  
為損害內懷裁杌乃至現為過患揔名瞋恚  
云何惛沉謂身重性心重性乃至疊瞢憒悶  
揔名惛沉云何睡眠謂諸眠夢不能任持心

昧略性揔名睡眠云何掉舉謂心不寂靜掉  
舉等掉舉心掉舉性揔名掉舉云何惡作謂  
心變心懊心悔我惡作惡作性揔名惡作云  
何疑謂於佛法僧及苦集滅道生起疑惑二  
分二路乃至非現一趣揔名爲疑云何瞢憒  
謂身重性心重性身無堪任性心無堪任性  
身瞢憒性心瞢憒性已瞢憒當瞢憒現瞢憒  
揔名瞢憒云何不樂謂有一類得好親教親  
教類軌範軌範類及餘隨一尊重可信往還  
朋友教誠教授繫念思惟房舍卧具而心不  
喜不愛不樂悵望慘感揔名不樂云何嚙申  
欠咗謂身低舉手足捲舒名曰嚙申鼻面開  
感脣口渴張名爲欠咗云何食不調性謂以  
不食或食過量或食匪宜而生苦受揔名食  
不調性云何心昧劣性謂心惛昧劣弱蹉跎  
揔名心昧劣性云何種種想謂有蓋纏者所  
有染污色聲香味觸想不善想非理所引想  
障礙定想揔名種種想云何不作意謂於出

家遠離所生善法不引發不憶念不思惟不已思惟不當思惟心無警覺揔名不作意云何麤重謂身重性心重性身無堪任性心無堪任性身剛強性心剛強性身不調柔性心不調柔性揔名麤重云何觔突謂有一類於授食時索熟與生索生與熟索麤與細索

細與麤與不平等與不如法於識不識而與不與於中數起相違語言是名觔突復有一類若親教親教類軌範軌範類及餘隨一尊重可信往還朋友告言具壽汝於如是如是事業應次第作彼作是念何事業令我如是次第而作於中數起相違語言是名觔突

第九

十二

復有一類或自來謝過或他教謝過或自有啓請或他教啓請於中數起相違語言是名觔突如是或因料理衣服營造事業於中數起相違語言揔名觔突云何饕餮謂有一類分財利時捨一取一情貪無定是名爲饕前後食時往飲食所嘗此啜彼好惡不定是名

爲饕此即及前揔名饕餮云何不和軟性謂心剛強心堅鞭心懶悞心不明淨心不潤滑調柔性謂身剛強身堅鞭身懶悞身不明淨身不潤滑身不柔軟身無堪任揔名不調柔性云何不順同類謂有一類於親教親教類軌範軌範類及餘隨一尊重可信往還朋友不正隨順是名不順同類云何欲尋謂欲貪相應諸心尋求偏尋求近尋求心顯了極顯了現前顯了推度構畫思惟分別揔名欲尋云何恚尋謂瞋恚相應諸心尋求偏尋求乃至思惟分別揔名恚尋云何害尋謂害相應

諸心尋求偏尋求乃至思惟分別揔名害尋云何親里尋謂於親里欲令安樂得勝朋伴無有惱害成就一切無惱害法王臣愛重國人敬慕五穀豐熟降澤以時緣此等故起心尋求偏尋求乃至思惟分別揔名親里尋云何國土尋謂於所愛國土人衆欲令安樂廣

第九

十三

說乃至降澤以時緣此等故起心尋求偏尋求乃至思惟分別揔名凌機尋云何假族謂有一類作是思惟我於佛教所說勝定且未修習先應誦持經律對法為諸有情宣說法要學諸傳記製造疏論居阿練若但持三衣廣說乃至隨得而坐作此事已然後習定

尋求乃至思惟分別揔名凌機尋云何假族尋謂有一類於非親族託為親族欲令安樂得勝朋伴無有惱害成就一切無惱害法王臣愛重國人敬慕五穀豐熟降澤以時緣此等故起心尋求偏尋求乃至思惟分別揔名假族尋

復有一類作是思惟我於佛教所說勝定且未修習先應歷觀山川國土園林池沼巖窟冢間禮旋制多遊觀諸寺為此事已然後習定後有一類作是思惟我於佛教所說勝定且未修習待過七年六年五年四年三年二年一年或過七月乃至一月或過七日乃至一日或過此晝或過此夜過此時已然後習定如是思惟於自身命不了危脆起心尋求遍尋求乃至思惟分別揔名不死尋云何凌機尋謂有一類作是思惟我之種姓家族色力工巧事業若財若位戒定慧等隨一殊勝恃此方他而生凌機由此等故起心尋求偏

云何愁謂有一類或因父母兄弟姊妹師友死故或因親族滅亡都盡或因財位一切喪失便發自身猛烈剛擴切心奪命辛楚苦受彼於余時心熱等熱內熱偏熱便發於愁已愁當愁心中愁箭揔名為愁云何歎謂有一類或因父母兄弟姊妹師友死等便發自身乃至苦受彼於余時心熱乃至心中愁箭由此緣故而傷歎言苦哉苦哉我父我母廣說乃至我財我位如何一旦忽至於此其中所有傷怨言詞種種語業揔名為歎云何苦謂五識相應不平等受揔名為苦云何憂謂意識相應不平等受揔名為憂云何擾惱謂心

擾惱已擾惱當擾惱擾惱性擾惱類總名擾

惱從貪瞋癡乃至擾惱皆名雜事於此雜事

若永斷一定得不還以一斷時餘容隨斷故

佛保彼定得不還

說一切有部法蘊足論卷第九

憤發粉反矯居小詭過委激擊瞢憤上莫釐

朋反下嚙申上音欠咗去音觸突上音底下

饗饗上音切罩網上竹孝反頑駢下語解反

反凶勃下蒲軌範上俱水反蛆蟻上音哲

恨戾上胡想反怛纏淡反慘惜上良平反

詫丑嫁隱匿下尼力反倣誕上吾告反

下子似廉反依怙户音訾些二同

向腐敗父音蠅牛上音蚊蚋蜻上音文下蛇蠍

許謁上字下擴俱猛規反傾慘感上七敢反

舒又上俱遠反開感下子喝傾鉤匪芳尾反

渠玉反料理上音彼時矣反

反懨悞下呂孔反危脆歲下取反

阿毗達磨法蘊足論卷第十

尊者大目乾連造三藏法師玄奘奉詔譯

弟十

根品第十七

一時薄伽梵在室羅筏住遊多林給孤獨園時有梵志名曰生聞來詣佛所合掌恭敬而白佛言我欲少問喬答摩尊惟願聽許爾時

世尊告彼梵志恣汝意問吾當爲說梵志問言根有幾種世尊告曰有二十二何等二十二謂眼根耳根鼻根舌根身根意根女根男根命根樂根苦根喜根憂根捨根信根精進根念根定根慧根未知當知根已知根具知根此二十二攝一切根時彼梵志聞佛所說

歡喜踊躍恭敬而去

云何眼根謂眼於色已正當見及彼同分是名眼根又眼增上發眼識於色已正當了別及彼同分是名眼根又眼於色已正當礙及彼同分是名眼根又根於色已正當行及彼同分是名眼根如是過去未來現在諸所有